



ՄԱՅՐ ԱԹՈՒՈՒՄ

Սեպտեմբերի 25-ին՝ չորեքշաբթի.—Այսօր Մայր Աթոռ ս. Էջմիածին ժամանեցին Ռումինիայի և Բուլղարիայի հայոց թեմերի առաջնորդ գեր. տ. Տիրայր եպս. Մարտիկյանը և ռումինահայ հայտնի բանասեր Հ. Ճ. Սիրունին:

Սեպտեմբերի 26-ին՝ հինգշաբթի.—Այսօր հոգևոր ճեմարանի ուսանողությունը և դասախոսական կազմը մեկօրյա պտույտով մեկնեցին Սաղմոսավանք:

Սեպտեմբերի 27-ին՝ ուրբաթ.—Այսօր Վեհափառ Հայրապետի հրավերով Մայր Աթոռ ժամանեցին բարերարներ պրն. Հայկ Գավուրճյանը, պրն. Տատուր Տատուրյանը և պրն. Հարություն Թաթոսյանը՝ իրենց տիկնանց հետ:

Սեպտեմբերի 28-ին՝ շաբաթ.—Այսօր երեկոյան Մայր Աթոռ ժամանեց Հյուսիսային Կովկասի և Ռուսաստանի հայոց թեմերի առաջնորդ գեր. տ. Պարգե եպս. Գևորգյանը:

Սեպտեմբերի 29-ին՝ կիրակի.—Գ կիր. զկնի Սրբոյ Խաչի: Տօն է Վարագայ Սրբոյ Խաչի:

Մայր տաճարում պատարագեց հոգ. տ. Մուշեղ վրդ. Պետիկյանը:

Ս. պատարագին ներկա էր Վեհափառ Հայրապետը:

Ս. պատարագին ներկա էին նաև շուրջ 200 հայ ուխտավորներ՝ Միացյալ Նահանգներից, Բրազիլիայից, Արգենտինայից, Ֆրանսիայից:

Հավարտ ս. պատարագի Վեհարանում Վեհափառ Հայրապետը բարեհաճեց ընդունել և իր օրհնությունը բաշխել ուխտավորներին:

Հոկտեմբերի 2-ին՝ չորեքշաբթի.—Այսօր Վեհափառ Հայրապետն այցելեց ս. Գեղարդա վանքը՝ մոտիկից ծանոթանալու կատարված շինարարական աշխատանքներին:

Վեհափառ Հայրապետին ուղեկցում էին գեր. տ. Հուսիկ եպս. Սանթուրյանը, բարերարներ պարոնայք Հայկ Գավուրճյանը, Տատուր Տատուրյանը, Հարություն Թաթոսյանը՝ իրենց տիկնանց հետ, բարեշնորհ Հակոբ Գյուկչյան և Հովսեփ Հակոբյան սարկավազները:

Հոկտեմբերի 6-ին՝ կիրակի.—Գ կիր. զկնի Սրբոյ Խաչի:

Այսօր Վեհափառ Հայրապետի գահակալության 13-րդ տարեդարձն է: Այս առթիվ Մայր տաճարում պատարագեց և քարոզեց Ռումինիայի և Բուլղարիայի հայոց թեմերի առաջնորդ գեր. տ. Տիրայր եպս. Մարտիկյանը:

Ս. պատարագին ներկա էր Վեհափառ Հայրապետը:

Ս. պատարագին ներկա էին նաև ամերիկահայ պարոնայք Հայկ Գավուրճյանը, Տատուր Տատուրյանը, Հարություն Թաթոսյանը՝ իրենց տիկնանց հետ, և բազմաթիվ սփյուռքահայ ուխտավորներ:

Հավարտ ս. պատարագի կատարվեց հայրապետական մաղթանք՝ Վեհափառ Հայրապետի հանդիսադրությունը:

Մաղթանքից հետո Մայր Աթոռի միաբանությունը և ուխտավորների մի հոծ բազմություն Վեհափառ Հայրապետին թափորով ուղեկցեցին Վեհարանի գահասրահը, ուր Մայր տաճարի լուսարարապետ գեր. տ. Հայկազուն

արքեպ. Աբրահամյանը բոլոր ներկաների և համայն հայ ժողովրդի անունից շնորհավորեց Վեհափառ Հայրապետի գահակալության 13-րդ տարեդարձը:

Վերջում Վեհափառ Հայրապետը իր գոհունակությունը հայտնելով ներկայացված շնորհավորանքների համար, նշեց նաև, որ այս օրերին մայր հայրենիքի և սփյուռքի ողջ հայությունը համազգային ցնծությամբ նշում է Երևանի 2750-ամյա տարեդարձը:

Վերջում Վեհափառ Հայրապետը իր օրհնությունը բաշխեց բոլոր ներկաներին:

Ժամը 3-ին, ի պատիվ հյուրերի, Վեհարանում տեղի ունեցավ ճաշկերույթ:

* *

Հոկտեմբերի 12-ին՝ շաբաթ.—Այսօր Վեհարանում Վեհափառ Հայրապետին այցելեցին շուրջ 200 ամերիկահայ ուխտավորներ, որոնք հրավիրված էին մայր հայրենիք Երևանի 2750-ամյակի կապակցությամբ: Վեհափառ Հայրապետը ընդունեց նրանց և իր օրհնությունը բաշխեց:

* *

Հոկտեմբերի 13-ին՝ կիրակի.—Ե կիր. զվեհ Սրբոյ Խաչի.

Մայր տաճարում պատարագեց և քարոզեց հոգ. տ. Ներսես Ժ. վրդ. Պողոսյանը՝ «Նմանեալ Մովսէսի տէր վարդապետ. բերելով զգիր օրինաց ի Հայաստան աշխարհ» բնաբանով:

* *

Հոկտեմբերի 17-ին՝ հինգշաբթի.—Այսօր Վեհափառ Հայրապետին այցելեց հուշակավոր երգահան Արամ Խաչատրյանը:

Վեհափառ Հայրապետի և մեծ երգահանի միջև Վեհարանում տեղի ունեցավ ջերմ զրույց՝ սրտագին մթնոլորտում:

* *

Հոկտեմբերի 20-ին՝ կիրակի.—Զ կիր. զվեհ Սրբոյ Խաչի.

Մայր տաճարում պատարագեց հոգ. տ. Գևորգ վրդ. Սերադարյանը:

Ս. պատարագին ներկա էր Վեհափառ Հայրապետը:

* *

Հոկտեմբերի 23-ին՝ չորեքշաբթի.—Այսօր, հետ միջօրեի ժամը 2.30-ին, խմբով Վեհա-

փառ Հայրապետին այցելեցին, Երևանի 2750-ամյակի առթիվ ուխտավորաբար մայր հայրենիքում գտնվող, հասարակական-մշակութային կազմակերպությունների և մամուլի ներկայացուցիչներ՝ շուրջ 30 հոգի: Այդ թվում՝ «Զարթոնք» թերթի խմբագիր Գերսամ Ահարոնյանը՝ Բեյրութից, «Արարատ» թերթի խմբագիր Ժիրայր Նաիրին՝ Բեյրութից, «Աշխարհ» թերթի խմբագիր Ավետիս Ալեքսանյանը՝ Փարիզից, հայտնի հայագետ պրոֆ. Ֆրեդերիկ Ֆեյդին՝ Փարիզից, ճարտարապետ էդ. Ութուշյանը՝ Փարիզից, ԺԱՅ-ի նախագահ Գևորգ Սարաֆյանը՝ Փարիզից, հասարակական գործիչ Ասատուր Կյուզելյանը՝ Լոնդոնից, պրոֆ. Ա. Գյոնջյանը՝ Մոնրեալից, երգչուհիներ Արփիին Փեհլիվանյանը և Սունիկ Ղազարյանը՝ Բեյրութից, և այլ հրավիրյալներ Դամասկոսից, Բեյրութից, Բրազիլիայից:

Վեհափառ Հայրապետը ողջունեց նրանց ներկայությունը և խոսեց սփյուռքում ապրող հայ մտավորականությանը վիճակված թեև դժվարին, բայց քաղցր հայրենասիրական ու եկեղեցաշեն գործունեության մասին:

Ժամը 3-ին բոլոր հյուրերը ներկա եղան Վեհարանում իրենց պատվին տրված ճաշկերույթին:

* *

Հոկտեմբերի 24-ին՝ հինգշաբթի.—Այսօր Մայր Աթոռ այցելեց Սովետական Միության մարշալ Հովհաննես Բաղրամյանը իր տիկնոջ հետ: Նա հրավիրված էր Հայաստանի կառավարության կողմից մասնակցելու համար Երևանի 2750-ամյա հոբելյանական հանդիսություններին:

Հարգելի հյուրը եղավ նաև Վեհափառ Հայրապետի մոտ և ցերմ զրույց ունեցավ նրա հետ՝ սրտագին մթնոլորտում:

* *

Հոկտեմբերի 25-ին՝ ուրբաթ.—Այսօր Վեհափառ Հայրապետին այցելեց հանրածանոթ գրող Մարինա Շահինյանը:

Վեհափառ Հայրապետի և ակնաւոր գրողի միջև Վեհարանում տեղի ունեցավ ջերմ զրույց՝ սրտագին մթնոլորտում:

* *

Հոկտեմբերի 27-ին՝ կիրակի.—Է կիր. զվեհ Սրբոյ Խաչի. Գիտ Խաչի.

Մայր տաճարում պատարագեց արժ. տ. Հակոբ քհն. Հակոբյանը:



ԵՐԵՎԱՆ. ՀԱՅԿԱԿԱՆ ՄԱՀ ԳԵՐԱԳՈՒՅՆ ՍՈՎԵՏԻ ՊԱԼԱՏԸ